

自序

諺云千方易得一效難求又云非其人不傳非其人不授斯言也語雖可鄙確有至理存焉蓋選方實有難言者選而不詳則良方必多湮沒兼收並蓄又恐貽誤來茲是以選方較立方爲尤難也予從事斯道幾五十年平日見一方必悉心體會且必從而試驗之效則隨手錄諸日記不效則置諸高閣並標明某月某日用過不效字樣數十年內閱書百餘種得方不下萬計其試而有效者亦僅得百之三五耳無論中西各書凡遇確著奇效之方靡不搜羅殆盡或有家藏秘本不肯輕易示人者亦必展轉相求達到目的而後已故是編所採西醫各方如松香鉛粉黃連沒石等膏方雖出自西醫其藥必取購諸中國庶幾同道用之當有得心應手之妙而無利權外溢之虞爰將所選各方書目略述如左至神而用之則存乎其人焉

引證中西各種書

西醫八種	中西匯通	中西合纂	中西合解
中西八種	萬國藥方	醫林改錯	濟世良方
衛生鴻寶	良方拔萃	外科大成	外科發揮
瘍醫大全	全生集	衛生集	回生集
外科正宗	外科金鑑	證治準繩	洞天奧旨
石室秘錄	辨症奇聞	辨症錄	蘇沈良方
寶氏外科	馮氏錦囊	萬病回春	串雅 內外編
赤水玄珠	肘後百方	千金方	千金翼方
外臺秘要	張氏醫通	外科心法	東醫寶鑑
醫學白話	夏子益奇方	冷廬醫話	瘍科心得集



外科醫鏡選方目錄

荊防敗毒散

仙方活命飲

十六味流氣飲

陽和湯

大防風湯

清熱消風散

乳香黃芪散

內消散

芎芷香蘇散

車螯散

一粒金丹

防風通聖散

半表半裏中和湯

大四妙湯

醒消丸

犀黃丸

三黃丸

五通丸

小金丹

控涎丹

琥珀蠟礬丸

透膿散

回陽三建湯

梅花點舌丹

蟾酥丸

保安萬靈丹

黎峒丹

萬消化堅丸

舒肝化堅丸

八反丸

五龍丸

洞天救苦丸

廣毒至靈丹

天津華新印刷局代印

一粒球

濟生犀角地黃湯

十全大補湯

人參養榮湯

托裏建中湯

保元大成湯

托裏定痛湯

胃愛丸

越鞠飲

黃連消毒飲

八珍湯

人參黃芪湯

托裏溫中湯

香砂六君子湯

神應異功散

加減八味地黃丸

連翹敗毒散

補中益氣湯

托裏清中湯

聖愈湯

醒脾益胃湯

八仙糕



外科醫鏡選方

荆防敗毒散

荆芥 二錢

防風 一錢五分

羌活 一錢五分

前胡 一錢五分

柴胡 一錢五分

桔梗 一錢五分

炒只壳 一錢

赤苓 四錢

獨活 一錢五分

黨參 三錢

川芎 一錢

甘草 一錢

姜 三片

葱白 五寸

治癰疽初起無論陰陽一切風溫挾濕挾痰諸症但覺憎寒壯熱頭疼無汗舌苔薄白或灰膩斯時邪正相拒渾身骨節疼痛如繩束縛即用此方汗之如年輕血氣壯旺可去黨參加紫蘇葉二三錢如發背腰癰腦疽初起可加金銀花一二兩連翹四五錢如在兩腿髀脛一帶加牛夕秦艽

歌曰

荆防敗毒治初瘡

憎寒壯熱汗出良

羌獨前柴荆防桔

芎芷參苓甘草強

氣血壯旺參可去

紫蘇攪入也無妨



發背腦疽或下搭

銀翹重用不須商

髀脛腿膀生瘍症

秦艽牛夕法當勦

渾身疼痛加萍草

頭痛蒺藜蔓荊強

仙方活命飲

炙山甲 一錢半

角 刺 二錢

歸 尾 三錢

金銀花 四錢

炙乳香 一錢

炙沒藥 一錢

天花粉 三錢

廣 皮 一錢

赤 芍 三錢

防 風 一錢五

白 芷 一錢

甘草節 二錢

好酒一斤煎服

治一切癰症類發背類腦疽類搭手兩足指之類疔瘡凡初起未成膿者服之能令內消縱將成形不能消散瘡頭如帶子蜂房稍加黃芪托其成形惟須視病發何處係屬何經絡臨時加引經藥上部略加桔梗載藥上行中部略加柴胡背膊兩旁加羌活下部加牛夕木瓜秦艽桂枝等隨症論症不可拘執歌曰 仙方活命飲平劑 瘡毒癰疽俱可醫 未成即消疼腫去



已成膿化立生肌

穿山皂刺當歸尾

草節金銀赤芍宜

乳沒天花防貝芷

陳皮好酒共煎之

氣虛大可參芪佐

便閉川軍也可施

年老液傷便燥結

菴蓉郁李兩相需

似類非真諸毒症

分經加引必須知

上行桔梗誠難缺

下部木瓜膝桂枝

自製十六味流氣飲

木香一錢

廣皮一錢

製香附二錢

蘇葉二錢

秦艽四錢

羌活一錢五

川芎一錢

桂枝一錢半

荊芥二錢

當歸三錢

甘草一錢

炒只壳一錢

獨活一錢五

防風一錢五分

桑枝酒炒五錢

絲瓜絡酒炒一段

治一切風濕風寒氣血阻滯作痛外面無形皮色不變流串不定或痛在一處



憎寒發熱舌苔薄白以及流注等症服之氣血流通即可消散虛人加黨參三四錢以助氣血或加附片一二錢溫化之

歌曰 自製流氣十六味 風濕風寒皆可醫 乖違氣血常串痛

外面無根不變皮 木香枳殼陳香附 羌獨歸防荆芥穗

川芎蘇葉秦艽草 瓜絡桑條桂枝需 或係流注一三五

稍加附片合機宜 體虛人參雖可用 量病加減在臨時

陽和湯

大熟地 一兩

蛤粉炒鹿角膠 三錢

麻黃 五分

白芥子 三錢

炮姜 五分

上肉桂丸 一錢

此方雖補載三字經流注門第加減分兩並主治症候頗多未能詳載茲特逐一表明庶良方得以傳流永久不負前人孤詣苦心也光緒三十三年正月高思敬識於津門蠓居之南窗下



治附骨疽貼骨流可加附片一二錢牛夕三四錢木瓜七八分遇陰症腦疽對口稍佐桔梗白芷載藥上行遇筋癰石疽與香貝養榮湯相間服之遇氣滯癰凝流注癰癰加半夏陳皮香附浙貝病人氣弱加黨參黃芪血虧加當歸杭白芍病在肩膊手臂加桂枝片姜黃病在背脊兩旁加羌活狗脊腰俞加杜仲川斷足踝骨腓脛脛骨一帶加千年健巡骨風白茄根鑽地風等病在胸膈兩肋加柴胡白芍病在巔頂加藁本白芷病在鬢角或兩太陽加柴胡桔梗赤芍病在兩顴加葛根桔梗病在耳前後加白芍桑葉病係陰中帶陽可加銀花當歸病係氣滯佐陳皮香附血滯佐歸尾紅花澤蘭蘇木如癰疽潰久不斂膿水清稀中多水泡加黃芪黨參附片白芨如疼痛不止可加蜜炙粟壳八分一錢如陰虛日晡潮熱加地骨皮金釵石斛

歌曰 陽和鹿角膠桂姜

白芥麻黃熟地勸

流注腿癰陰寒症

鶴膝風生服最良

大防風湯

黨參 三錢

炒白朮 二錢

北口綿黃芪 四錢

杜仲 二錢

川芎 一錢

熟地 四錢

羌活 一錢

製附片 一錢

炮姜 五分

全當歸 三錢

長牛夕 三錢

甘草 一錢

桑枝 五錢

絡石藤 五錢

此方治附骨癰疽貼骨流注鶴膝風以及一切寒濕互阻濕痰凝滯凡屬虛症已服陽和湯多劑疼痛雖去腫仍不消連服四五劑頗著奇效並治貼骨流潰久不斂餘腫不消膿水清稀且多連服一二十劑即腫消膿減可收功矣

歌曰 大防風湯寒邪傷

附骨疽腫色如常

參朮黃芪牛夕仲

四物羌甘附子姜

清熱消風散

皂角刺 一錢

防風 一錢

陳皮 五分

花粉 一錢五



柴胡一錢

黃芩一錢

白芍一錢五

當歸一錢五

黃芪一錢五

金銀花一錢五

蒼朮炒一錢

紅花一錢

連翹三錢

川芎八分

甘草五分

右藥十五味水二鐘煎八分食遠服若婦人加童便炒香附一錢五分

此方治癰疽瘡腫已成未成之際無表無裏外不惡寒內不便閉惟紅腫焮痛高腫有頭者宜服此藥以和解之也如口渴去蒼朮花粉可用至三四錢氣虛加黨參二三錢

歌曰 清熱消風散芍著

銀花歸粉草陳皮

柴芩翹與紅花皂

蒼朮防芎和解之

已成未成皆可服

焮紅高腫極相宜

外不惡寒便不閉

有頭疼痛亦相需

乳香黃芪散

當歸一錢

炒白芍一錢

人參一錢

生黃芪一錢



南京中醫藥大學圖書館版權所有

川芎 一錢
熟軍 一錢
乳香 五分
沒藥 五分

陳皮 一錢
甘草節 一錢
蜜炙粟壳 一錢 去筋膜

右水二鐘煎八分量病上下食前後服之

此方治癰疽發背諸毒疔瘡疼痛不可忍者乃氣虛不勝毒之故也服之未成即消已成即潰不用刀砭惡肉自脫並治打撲損傷筋骨疼痛之證果氣虧參芪不妨加重惟乳香沒藥各五分足矣萬不可加重多用恐傷胃氣陳皮宜少不宜多一錢足矣能少用纔好多用潰後瘡口難斂切記切記且須用整廣皮藥肆陳皮係川皮潮皮建皮切絲不入藥服之有損無益

歌曰 乳香黃芪散乳沒 粟壳參芪甘草撮 芎歸白芍與陳皮

加上熟軍疼即脫 立齋誤用熟地黃 洄溪改軍是正法

陳皮乳沒宜少用 膩胃破氣不奏功

內消散



知母 一錢五

浙貝母 三錢

南花粉 三錢

炙乳香 一錢

製半夏 三錢

白芨 一錢五

炙山甲 一錢五

皂角刺 一錢五

金銀花 四錢

此方治癰疽發背對口疔瘡一切無名腫毒水酒煎服能令內消化毒爲黑水
從小便而出勢大者雖未全愈亦可移深居淺轉重就輕並治頸項痰毒焮紅
堅結疼痛不能轉側者尤稱效驗然必加桔梗葳靈仙各一二錢

歌曰 內消散用化諸毒

毒化從洩色變行

知貝天花乳夏芡

穿山角刺共金銀

無名腫毒皆可治

早服能教重轉輕

頸項痰核尤有效

水酒同煎法更精

芎芷香蘇散

川芎 一錢

赤芍 一錢

荆芥 一錢五

白芷 一錢

陳皮 一錢

香附 一錢五

紫蘇葉 一錢

甘草 一錢



秦 芩一錢五

葱白 連鬚二寸

水煎服如內熱甚重加連翹黃芩銀花

凡癰疽腫毒挾風寒而發者初起先用此散之

歌曰 芎芷香蘇散癰瘍 初起輕症用之良

風寒不解身寒熱

煎服渾如雪見湯

紫蘇荊芍陳皮草

香附秦芩芎芷勳

葱白連鬚僅二寸

服後見汗即安康

車螯散

紫背車螯

壹雙鹽泥固濟火煨
通紅地上出火毒用

輕粉二錢

大黃五錢

黃

芩

五錢

漏

蘆

去鬚五錢

瓜蒌根

五錢

甘

草

二錢

右爲末每服二錢薄荷湯下速利酒亦可

治癰疽初發腫痛或少年熱盛發背等急宜宣毒利下熱退爲度大人小兒四

季皆可服之

歌曰 車螯原來是古方

輕粉漏蘆草大黃

黃芩花粉車螯燉

研面薄荷湯送良

每服二錢酒亦可

癰疽初起效異常

一粒金丹

沉香 五分

木香 五分

乳香 五分

巴豆霜 一錢五分

各爲細末照稱分數和勻用黑肥棗兩個半去皮搗爛爲丸如芡實大每服一丸量人虛實先呷水一口行一次胃氣壯實者只可呷水三四口不可太過後用水一口送藥下行盡數次以米飲補之治一切惡瘡癰腫無名腫毒

歌曰 一粒金丹藥四般

巴霜乳木與沉香

黑棗爲丸芡實大

量人強弱定主張

呷水一口瀉一次

胃強三口也無妨

瀉過三次精神敗

隨用濃煎大米湯

初起癰疽俱可化

無名腫毒亦安康



防風通聖湯

防風 二錢

當歸 二錢

川芎 一錢

大黃 三四錢

芒硝 冲錢半

連翹 三錢

麻黃 一錢

桔梗 一錢半

石膏 三錢

芍藥 二錢

白朮 二錢

滑石 三錢

薄荷 一錢

山梔 二錢

甘草 一錢

黃芩 一錢五

荆芥 二錢

此方治時毒熱毒初起形寒發熱頭疼乏汗渾身難受如繩束縛一般二便閉結甚至譫語神昏舌苔焦黃無液脈左手浮緊或洪滑弦大右關沉數有力一切表裏俱實之症用水煎服壯年照服幼童減半或分三四次煎服量體強弱而施

歌曰 防風通聖大黃硝

荆芥麻黃梔芍翹

歸草黃芩芎滑石

桔梗薄荷白朮羔

大滿大實方可用

表裏稍虛莫亂投



半表半裏中和湯

人參 二錢

陳皮 二錢

黃芪 一錢五分

白朮 一錢五分

當歸 一錢五分

白芷 一錢五分

茯苓 一錢

川芎 一錢

皂角刺 炒一錢

乳香 一錢

沒藥 一錢

金銀花 一錢

甘草節 一錢

右水酒各半煎服

治瘡屬半陰半陽似潰非潰似腫非腫此因元氣虛弱失於補托所致

歌曰 半表半裏用中和

草節金銀苓芷鋤

乳沒歸芎陳皂刺

氣弱參芪白朮扶

似腫非潰陰陽半

酒水煎服效無過

大四妙湯

生黃芪 五錢

大當歸 一兩

金銀花 一兩

甘草節 二錢

右藥水煎晝夜服盡自可移深居淺轉重作輕如已成氣血素虧不能穿潰者



南京中醫藥大學圖書館版權所有